

Regional News Unit AIR Aizawl
Saturday, May 25, 2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- Chief Minister Pu Lalduhoman Save the Riparian in Tlawnglui leh a fintu thenfai hna thawktu Save the Riparian hnathawh chuan sorkar a kaiharh a ti.
- Hachhek Bial Kuhva Chingtu Pawl chuan Kuhva ro tawlh ten an tihdan pangngaiin an la tawlhruk reng avangin a dang turin an duty leh dawn an ti.
- Tukin dar 7 atang khan Lok Sabha inthlan thawhrukna atan vote thlak tan a ni
- Russia chuan Moscow-a Crocus City Hall-a firfiakte chetnaah Ukranian military intelligence te an inrawlh niin a puh.

<><><>

CM

Chief Minister Pu Lalduhoman Save the Riparian in Tlawnglui leh a fintu thenfai hna thawktu Save the Riparian hnathawh chuan sorkar a kaiharh a ti.

Nimin khan Sports & Youth Services Department NSS Cell leh Save the Riparian pawl ten Tuikual lui thenfai hnatlangpui an ko a, hetah hian Chief Minister Pu Lalduhoma chu a tel a, Thusawiin Chief Minister chuan, Tlawng luih hian zanah Len a din thin avangin a bawlhhlawhzia a hmu a, hei vang hian Tlawng leh a fintu lui thenfai tha a ti hle tih a sawi a, rilruin a vei reng laiin tlawmngaipawl Save the Riparian an rawn lang a. An hnathawh chuan sorkar a kai harh a, mimal tak pawhin a tiphur a, chuvang chuan a tel tel ve ta a ni, a ti.

Engmah phut nei lova thalai tam tak an hnatlang thin chu hmuhnawm a tih thu leh a chhuan thu a sawi a, an hmalakna chuan mipuite tiharh zel se, bawlhhlawh a hmunah chauh paih tawh thin se a duh hle a ni, a ti.

He hnatlangpui hi Pu Lalnghinglova Hmar, Sports Minister chuan a telpui bawk a, thusawiin, Save the Riparian te hnathawh chu a chhuanawm a, Mizoram a takin an hmangaih a ni tih a hmuh theih a ni a ti a, mipuite pawh harh thar se, faina hi nghet takin nunpui se a ti.

Vawiin hnatlang hi Save the Riparian leh Sports & Youth Services Department NSS Cell ten an huaihawt a ni a. Zirna in sawm atangin NSS mi zanga (500) vel an thawk chhuak a ni.

Save the Riparian te hian an hmalakna thawhkhatnaah Aizawla Model Veng leh Mission Vengthlang inrina lui, Sakhisih chu ni 20 chhung an lo thian tawh a. A thawh hnihna hi Tuikual lui hnarah tan lehin vawiin hi a ni 13 na a ni a. Ni 30 chhung an theih chen thenfai an tum ang.

<><><>

MAMIT IMMUNISATION

Mamit District Task Force on Immunization chu Mamit district Addl DC Pu Zoremthara Ralte hovin nimin khan an thukhawm a,

District Fully Immunized 2023-2024 chhunga hmalakna hrang hrangte thlir zui a ni a, Mamit District chhunga District Hospital, CHC leh PHC avaiin hmun 10 ah naupang vaccine pek tur a ruahman lawk 1525 ah naupang 1406 te vaccine pek an ni a, hei hi zaa 92.1 a ni.

Meeting ah hian Mamit District chhungah hri danna tha zawk leh ala tur te'n kokim taka an lak theihna tura rawtna hrang hrangte sawiho niin vantlang huapa inkohkhawmna hmunah te vaccine pawimawhna inzirtirna a theih ang anga neih thin nise tih a ni.

Kum 2023-2024 chhung hian Mamit District chhungah Vaccine pe hian wawi 942 thawhchhuah a nih thu tarlan a ni bawk.

<><><>

HACHHEK

Hachhek Bial Kuhva Chingtu Pawl (HBKCP) chuan Kuhva ro tawlh ten an tihdan pangngaiin an la tawlhruk reng avangin a dang turin an duty leh dawn an ti.

Nimina hemi chungchanga thuchhuah an siamah an eizawna ber Kuhva hralh kawnga harsatna siamtu, ramdang atanga dan lo a Kuhva tawlh luh a tawp theih nan nasa takin hma an la a. Kuhva tawlhruk dang chat tur hian Mizoram Sorkar tharah beiseina sang tak an nei a, amaherawhchu sorkarin theihtawp a chhuah meka an hriat laiin, Kuhva ro tawlhnten an tihdan pangngaiin an la tawlhru reng a, Customs, Assam Rifles, Mizoram Police leh Kuthnathawktu duty te pawhin thahnem tak tak an la man reng a ni an ti.

Dan lo a Kuhva ro tawlh chungchanga Social activist Pi Vanramchhuangi'n Gauhati High Court Aizawl Bench-a PIL a thehluh ah CBI ten chhui tura High Court a ngenna chu High Court-in a pawm ngei an beisei laia, Mizoram sorkar-in CBI chhuitir lo a, Mizoram Police te chhuitir tura High Court-ah ngenna a siam ta mai chu Kuhva chingtute hmakhua a ngai tawk lo ah an ngai tih an sawi a. Kuhva ro chungchanga PIL hi CBI chhui remti ngei turin HBKCP chuan Mizoram Sorkar a ngen an ti a ni.

Kumin January ni 22-a Kuhva tawlh ruk PIL chungchanga Gauhati High Court, Division Bench order in a sawi anga kum 2021-a FIR thehluh tawh tun thlenga register anih loh chhan sawifiah tura a tih te, Case thara register theih a nih thu a sawite chu bawhzui a, Court-in sorkar chu he case hi a ngai thutak tawklo a tihte pawl an tih thu an sawi a. Kuhhnathawktute hmakhaw ngaia Kuhva chingtute tana huaitaka ding a, hmala turin Mizoram Sorkar an phut tih an sawi a ni.

Hachhek Bial Kuhva Chingtu Pawl chuan Mizoram sorkarin kuthnathawktute tana thlai thenkhata Minimum Support Price a siam turah hian Kuhva telh ve ngei turin an ngen tih an sawi bawk a. Dan loa Kuhva ro tawlh te avangin an Kuhva tharte hralh a harin a man a tlahniam zel a. Kuminah pawh Kuhva rah lo zo vek tawh siin Kuhva chingtu mi engemaw zatin a man pawh an la dawng kim theilo an ti a ni.

<><><>

KHAWZAWL DEF MEETING

Khawzawl DEF Monthly Meeting chu SP Office Chamber ah nimin khan neih niin Khawzawl Police Station pending case hrang hrangte thlir ho nghal a ni.

Meeting ah hian tunhnaia Champhai chhehvel atanga Kuhva ro bag 977 zet phurtu Truck 9 lai Khawzawl Police Checkgate hel an tum laia Police ten an man tak chungchang sawiho a ni a. Champhai chhehvelah Kuhva ro dah khawm a la awm nual niin a lang a, hetiang hi anih avangin Custom Prevention Force Champhai te hnenah Champhai leh a chhehvel hma lo la turin an ngen nghal dawn tih meeting ah hian tarlan a ni

Khawzawl Police Station ah kumin chhungin case 30 zaihluh tawh niin, case 20 chu chinfel tawh a ni a, a bak case 10 hi pending a ni. Heng case pending-te pawh hi case upa leh buaipui ngai ni lovin tun hnai te te a registered te an ni hlawm. Case thenkhat phei chu Charge Sheet thehluh mai theih tura investigation tih zawh tawh te an ni.



ASF

Vawk pul hri, African Swine fever avangin kumin hian Mizoramah vawk 1024 thi a awm tawh a, vawk 1623 suat tawh a ni.

AH & Vety Dept in a chhinchhiah danin darkar 24 kalta chhung khan ASF vanga vawk thi zat 63 a awm a, vawk 197 suat a ni bawk. Tunlai khawlum chhovah ASF hri leng lehin, ran damlo nei an awm a nih chuan Vety Dept phone no 1962 ah Doctor te biak rawn theih reng a ni tih Deputy Director Dr. M. Zohmingthangi chuan a sawi a ni.

ASF hri hmun hrang hrangah a len mek laiin Lunglei Dist ah chuan he vawk natna hri hi tun dinhmunah chuan he Dist chhungah a la léng lo niin. Dr. Vanlalhruaia, AH&Vety Deptt Lunglei chuan a sawi a,

Nikum October leh November thla chho vel khan Buknuam leh Undermanik khuaah Vawk 17 an thi a, a hnuah vawk 5 chu thih belh leh mahse tunah chuan report luh belh a awm tawh lova, nikum a report kha data lamah la kal chho zel anga a lan vangin ASF hri lenna ang in Lunglei Dist hi a lang ta mai a ni a ti.



UD& PA DIRECTOR

Kolasib MJA in an tlawh hnuah, UD&PA department Director Pu Andrew H. Vanlaldika chuan nimin khan Kolasib khaw chung bawlhhlawh lakkhawm sawngbawlina 'Solid Waste Management Centre' Dihmunzawl tlawh in, bawlhhlawh sawngbawl leh thehthang dan te a hmun a en nghal.

UD&PA director hian Kolasib DUDO office, Diakkawn ah MJA hrutute a kawm. Pu Andrew H. Vanlaldika chuan, nimin a Kolasib District MJA ten bawlhhlawh sawngbawlina hmun an tlawh tuma an thil hmuh te chu pawmawm a tih thu a sawi a, department in bawlhhlawh sawngbawlina an kalpui dan ah an hlawhchham rih tih a pawm thu a sawi.

UD&PA director chuan, Kolasib Solid Waste Management Centre; Pilot Project anga kalpui mek chu hun reilote ah Model Project anih theih nan hmalak anih tur thu a sawi a, a hmun hma pawh zauh belh tum anih thu sawi in, kumin kum tawp lamah chuan hmel thar hmuh hman ngei a beisei tih a sawi a. Tuna an kalpui mek dan chu ennawn ngai leh siam that ngai lai a tam avangin department anga theihtawp chhuah a hmalak an tum thu MJA hruaitute a hrilh bawk.

Chanchinbumite zawhna chhangin UD&PA director chuan, DUDO, Kolasib an inthlak ngun lutuk chu vei-awm a tih thu sawiin, DUDO nghet an awm theih nan hmalak a tum thu a sawi a, DUDO chu Officer dangten kawp lovin, a tul anih chuan DUDO in hna dang ava kawp zawk turah a ngaih thu a sawi. Bawlhhlawh khawn khawm leh motor tlan dan ah harsatna awm thin thu MJA ten an thlen pawh mumal leh felfai zawka kalpui anih theih nan thawktute sawipui a tum thu a sawi bawk.

Pu Andrew-a chuan, bawlhhlawh paih leh thliar hran chungchangah Kolasib mipuite chu dan ngai pawimawh a, department hmalakna thlawp zel turin a chah ani.

<><><>

6TH PHASE LOK SABHA ELECTION

Tukin dar 7 atang khan Lok Sabha inthlan thawhrukna atan vote thlak tan a ni a. Tun tumah hian Bihar a Lok Sabha bial 8, Hayrana ah seat 10, Jharkhand ah seat 4, Delhi-a seat 7 awm zawng zawng, Odisha ah seat 6, Uttar Pradesh ah seat 14, West Bengal ah seat 8 leh Jammu and Kashmir ah seat 1 te a ni a. Zing dar 7 atangin vote thlak a ni ang.

Inthlan thawhnganaah hian candidate langsar zingah senior BJP leader- te Dharmendra Pradhan, Maneka Gandhi, Manohar Lal Khattar, Sambit Patra, Bansuri Swaraj leh Manoj Tiwari te, Congress hruaitu Deepender Singh Hooda, Kumari Selja, Raj Babbar leh Kanhaiya Kumar bakah Samajwadi Party leader Dharmendra Yadav leh PDP chief Mehbooba Mufti te an tel a. Election Commission chuan inthlanna felfai taka kalpui anih theih nan ruahmanna a siam a. Chawlh hahdamna tur daihlimte, tuisik inturte, ramp, inthiarna, wheelchair leh mamawh dangte polling booth ah siam vek a ni. Inthlanpui thawhruknaah hian vote nei mi vaibelchhe 11.13 an awm a. Inthlana buaipui turin polling station nuai 1.14 chuangah mi nuai 11.4 chuang ruat an ni a,

Hetihlai hian inthlan thawh sarihna leh a hnukung ber atana campaign pawh ngawrh takin kalpui mek a ni a. State 7 leh UT pakhat huamchhunga Parliament bial 57 ah June ni 1 ah vote thlak a ni ang.

<><><>

RUSSIA-UKRAINE

Russia chuan Moscow-a Crocus City Hall-a firfiakte chetnaah Ukrainian military intelligence te an inrawlh niin a puh. March ni 22-a Moscow-a Crocus City Hall concert inbeihnaah hian mi 144 an thi a, mi 551 in hliam an tuar a ni.

Security Agency Council Head leh Commonwealth of Independent States Special Services thukhawm chuan Moscow-a pawikhawihna kha chhui mek anih thu tarlangin Ukraine sipai intelligence te an inhnawih ngei a ni tih an hriat thu an tarlang a ni.

<><><>